

Ս. Վ. ՎԱՐԴԱՆՅԱՆ

ՀԱԶԱՐԱՇԵՆՔ ԵՎ ՆՐԱ ՆՇԱՆԱԿՈՒԹՅՈՒՆՐ
ՀԱՅԿԱԿԱՆ ՃԱՐՏԱՐԱՊԵՏՈՒԹՅԱՆ ՄԵՋ


Հայաստանի ժողովրդական բնակելի տների գմբեթաձև ծածկերը, որոնք գալիս են հնագույն դարերից, կառուցվել են երկու հիմնական տարբերակներով շինված փայտյա կմախքի վրա: Առաջին տարբերակը, առավել հասարակ ու պարզ ձևի, կազմվել է տան պատերին զուգահեռ դրված և աստիճանաբար դեպի երդիկը փոքրացող գերանների շրջանակներից և նրանց միջտարածությունը ծածկող ճեղքված փայտի անտաշ կտորներից: Այս ձևը մասսայական տարածում է ունեցել, շինարարական փայտով համեմատաբար հարուստ, հյուսիս-արևելյան շրջանների և Ճորոխի հովտի ու Ղարաբաղի գյուղերում: Այն ճանաչվում է մի քանի անուններով՝ կոնդածածկ, սողոմածածկ, սողոմաշեն, ավելի հաճախ դառնավուշ, դառնադուշի՝ և համահնչուն այլ անուններով (նկ. 1):

Գմբեթածածկի փայտյա կմախքի երկրորդ տարբերակը իրականացվել է բազմակողմանի և բազմանկյունանի՝ աստիճանաբար դեպի երդիկը փոքրացող կարճ հեծանների կամ գերանների շրջանակներից (նկ. 2): Այս տարբերակով ծածկերը տարածված են եղել փայտազուրկ, ձյունառատ ու անձրևոտ շրջաններում և ամենից շատ Բարձր Հայքում, այն ճանաչվում է Հազարաշեն կամ Հազարաշենը անունով: Ամենից շատ այս անունը գործածել են Կարնո, Բայազետի, Բուլանխի, Բասենի, Մուշի, Ալաշկերտի, Սեբաստիայի, Բայբուրտի, Դերջանի, Սասունի, Լենինականի, Ախալքալաքի, Ախալցխայի և սրանց հետ առավել կամ նվազ չափով հաղորդակցության մեջ գտնված շրջանների բնակիչները: Բացի այս, հազարաշենին դաստածածկ են ասում Ղուկասյանի և Լենինականի մի քանի գյուղերում, սողոմաքաշ՝ Եղեգնաձորի, Լոռու, Շապին-Բարահիսարի շրջաններում, Ալավերդում՝ Սողոմաքաղ, մի քանի այլ վայրերում՝ սյուրմաքաշ և շուշածածկ և այլն: Այս անունները հաճախ խառնաշփոթ կերպով վերագրվում են մերթ այս, մերթ այն ծածկին: Այդ աղավաղումները առաջացել են բնակչության մեջ շարունակ տեղի ունեցած տեղաշարժերի և վերաբնակման հետևանքով: Այնուամենայնիվ, նրանց մեջ ամենից ժողովրդականը և անաղարտը մնացել է Հազարաշեն անունը, որը առաջացել է ծածկը «հազարավոր» փայտի կտորներով շինված լինելու պատճառով:

Հազարաշենի տարբերակով են ծածկվել սովորաբար քառակուսի ձևի հատակազծով տները, և այլ ձևի տներում՝ քառակուսու բերված կենտրոնական բացվածքները: Հազարաշեն այս ծածկը ձևակերպվել է տան կամ նշված բացվածքի անկյունները հատող և պատերին զուգահեռ ութից-տասներկու անկյու-

Վերաբերեն դառնա-թե, դուշ-թուշուն անունից, կապված երդիկից ներս թուշունների բների դոյության հետ:


նանի շրջանակներով, որտեղ փոքր շրջանակները հենվելով իրենց նախորդ մեծ շրջանակների վրա տանիքի գաղտնիքին, ձևակերպել են երդիկի բացվածքը (նկ. 3): Որոշ դեպքերում ութկողմանի առաջին շրջանակին հաջորդել է տան անկյուններին կամ պատերին դուրսհեռ քառակուսի շրջանակը, որից հետո կրկին ութկողմանին և այսպես դարձյալ մինչև երդիկը (նկ. 4): Երբեմն ութկողմանի այս շրջանակները սկզբից մինչև վերջը աստիճանաբար փոք-



Նկ. 1. Սողոմաձաձկ կամ դառնալուծի կոչված ծածկի ներքին տեսքը:


րանալով զուգահեռաբար են բարձրացել (նկ. 5): Կան նաև փոքր ինչ այլ ձևափոխումներով հայարաշեններ (նկ. 6): Այստեղ հիմնական շրջանակների միջև ընկած բաց տարածությունները փակվել են մաքուր տաշված ու վերին աստիճանի խնամքով դասավորված տախտակներով: Շատ դեպքերում, ինչպես շրջանակները, այնպես էլ տախտակները պճնվել են զանազան հետաքրքիր փորագրական քանդակներով: Փողովրդական վարպետներն իրենց ջանքերը չեն խնայել հաղարաշենի առաստաղը ոչ միայն գեղատեսիլ, այլև հնարավորին չափ թեթև դարձնելու համար: Հայ և օտար ականատեսներից շատերը հիացել են ճարտարապետական այս ուշագրավ հանգույցով: «Գյուղական տների մեջ, — գրում է Թ. Թորամանյանը, — թեև պարզ ձևեր շատ կան, բայց ոմանք այնքան դեղեցիկ, բարձր ու ճոխ շինվածք ունեն, որ հիացում կպատճառեն զիտողին, երբեմն արտակարգ սիրով նույնիսկ բանդակագործված են փայտերը»²:

2 Թ. Թորամանյան, Հայկական ճարտարապետություն, հ. 1-ին, Երևան, 1942, էջ 89:



Նկ. 2. Հաղարթաւն կողմ ծածկի ներքին տեսքը (ուսուն լար և դռն)։


Հաղարաշենի հիմնական առավելությունը կայանում է նրանում, որ այն իրականացվում է ավելի քիչ և առավել կարճ փայտե հեծաններով կամ դերաններով: Դրանք ավելի նպատակահարմար են անձրևաչրիբի արագ հեռացման համար, քան նախորդ տարբերակը:



Նկ. 3. Հաղարաշեն ծածկ, առաստաղի կողմից դրսևած:

Հաղարաշեն և մյուս տարբերակով կառուցված գմբեթները իրենց արտաքին տեսքով անմիջապես շին ճանաչվում, ճիշտ է, երկու դեպքումն էլ նրանք հողածածկ են, բայց միայն մոտիկից դիտելու դեպքում է դրանց տարբերությունը նկատելի: Հաղարաշեն գմբեթները ավելի սրածայր ու բարձր հատած կոնի ձև ունեն, իսկ մյուսները ցածր ու տափակ կիսաղնդի ձև: Իրենց արտաքին միաձևության սլատճառով ամենուրեք կոչվել են ղուպպա, գուպպե, խուպպա, կուբբե և համահնչուն այլ անուններով: Երական լեզվով գմբեթ անունն են դորժածում: Որոշ տեղերում այս գմբեթածածկ տներին կոչել են ղուփով ծածկ, ղուփով տուն, խուփածածկ, թակարածածկ, բլրածածկ, թոնրածածկ, շարտախելու ծածկ և այլ անուններով: Մի շարք հնագույն ժողովուրդներ համանման անուններով են կոչում գմբեթը: Այսպես, օրինակ, վրացիները գումբաթի (გუმბათი) են ասում, պարսիկները գյումբաթ (gunbad), իտալացիները կյուպոլա (cupola), ֆրանսիացիները կուպոլ (coupole), ա-


բարները գյուրբա (Subba) և այլն³։ Այս նշանակում է, որ գմբեթի անունը ինչ-որ բնդհանուր շղթայի մի օղակն է հանդիսացել կամ առաջացել է փոխադարձ ազդեցությունների մի հանգույցից։ Այդ հանգույցը դեռևս գտնվում է պատմության աղջամուղջում։




Նկ. 4. Ուֆկողմանի և շորսկողմանի շրջանակներից կազմված հազարաշին։

Սակայն որոշակի է այն, որ Հայաստանում քարաշեն գմբեթների ու կամարների նախնական ձևերը երևում են դեռևս քարե դարերից մեզ հասած օղուղների տների տարբերակներում, այնուհետև նաև ուրարտացիների շինարվեստում։ Օղուղների տները, որոնք տարածված են եղել Հայաստանի տարբեր վայրերում՝ Օշականում, Սիսիանում, Արագածի յանջերում և այլուր, կառուցված են բառանկյունի երկարավուն և բառակուսի ու երբեմն նաև շրջանաձև հատակագծով։ Քառանկյունի ձևի տներում երկու երկար զուգահեռ պատերի հորիզոնական անտաշ ու անշաղտի բարի շարքերը աստիճանաձև առաջակարկառ գոտավորությամբ խոնարհվելով դեպի ներս, այնքան են նեղացրել ծածկի թռիչքը, որ առավել շահով հեշտացել է կարճ սալաքարով ծածկելու

³ Ս. Վ. Վարդանյան, Հայաստանի ժողովրդական բնակելի տների ճարտարապետությունը, Երևան, 1959, էջ 122.



Նկ. 5. Զուգահեռարար դասավորված շրջանակներից կաղմված հաղարաշեն:



Սկ. 6. Հսղարաշեն ձ.սծկի սւարերակներից:

գործը: Այս սալաքարը մոտավորապես կատարել է այն դերը, ինչ կամարների կամ բարավորների կոնստրուկցիաներում կատարում է փական բարը: Այս ձևի պատի շարվածքի և ծածկի մեջ պետք է որոնել կամարածև կառուցվածքների արմատները (նկ. 7): Ուրարտացիների մոտ կամարաշինության այս




Նկ. 7. Յղականի օղուղների տներից. ա—արտաքին տեսքը, բ—հասակադիր (վերականգնված):

սկզբունքները երևում են ներքնուլիների, փակ ջրատար առունների կառուցվածքներում: Միևնույն մոտեցումով լուծվել են նաև բառակուսի կամ շրջանածև հատակագծով օղուղների տները, որտեղ տանիքի կենտրոնական բացվածքը այնքան է փոքրացվել, որ միանգամայն հնարավոր է դարձել մեկ-երկու սալաքարով ծածկել այն: Այս ձևերումն էլ պետք է որոնել գմբեթի ծածկի արմատները:

Օղուղների տների ծածկի ձևերը երևում են նաև հնագույն բարաշեն դամբարաններում⁴: Ուրեմն հավանական է, որ, ինչպես ենթադրել է Ստ. Լիսից-

⁴ J. Morgan, Mission Scientifique au Caucase. Lyon, 1882.

յանը՝ օղուղների սների նախնական շինարարական բարի այս ձևերը փոխանցվել են փայտաշեն ծածկերի սուրբերակներում և աստիճանաբար դարգանալով Վեմ և հանդիսացել ավելի ժամանակակից կատարելագործված հազարամյակի սների գմբեթների: Օղուղների սների կառուցողական այս հնարա-



Նկ. 8. Առաքելոց վանքի սների տեսքը:

մրտությունը պետք է համարել Հայաստանի նախասլավոնական շրջանի շինարար մարդկանց ամենաարժեքավոր ստեղծագործությունը: Յավալի է, որ սրանց վերջին նմուշները ևս, անուշադրության մատնված լինելու պատճառով, հողմացրիվ են լինում:

Իհարկե, հազարամյակի կամ սողմաշենի գմբեթի ձևերը չպետք է վերագրել միայն հայկական ժողովրդական ճարտարապետությանը, դրանք տարածված են նաև Վրաստանում, կովկասյան և ասիական հնագույն այլ ժողո-

⁵ С т. Писцпан, Кошун-даи. Мегалитическое городище в Сисиане (Зангезур), Тифлис, 1927, էջ 716:

վորդների մեջ՝ և բխում են նազույն դարերի ժողովրդական ստեղծագործություններից⁷: Սակայն ժողովրդական շինարարական այս ձևերի ազդեցությունն ավելի ակնդատ երևում է հայկական աշխարհիկ և եկեղեցական ճարտարապետության մեջ⁸. դրանց կիրառումը առանձնապես երևում է ժամա



Նկ. 9. Հայկական եկեղեցու ներքին տեսքը, ըստ Հինչի:

տներում⁹. Այլ խոսքով ամենից ուշադրավն այն է, որ ժողովրդական տների ազդեցությունը մոնումենտալ ճարտարապետության վրա առավել շափով նրկատելի է հայկական ճարտարապետության մեջ: Այստեղ ոչ միայն ժողովրդական բնակելի շենքերը, այլ նաև հասարակական, եկեղեցական և այլ բնույթի շենքերը ծածկվել են ինչպես բարե, այնպես էլ փայտե հազարաշենի տարբերակներով: Այս կոնստրուկցիաների ծագման ու տարածման հիմնական դրդապատճառը հանդիսացել են տեղում եղած շինանյութերը՝ շինափայտի պակասը և բարի առկայությունը, ինչպես նաև բնակլիմայական պայմանները՝ հաճախակի տեղի ունեցող երկրաշարժային ցնցումները, ձյան հաստ շերտերից ու հորդառատ անձրևներից կառուցվածքը պաշտպանելու պահանջները: Մոնումենտալ կառուցվածքներից մեկ հասած օրինակներում բարե հեծաններով են կառուցվել Գետաշեն դյուղի Առարելոց վանքի ժամատան դմբեթը

⁶ М. Ильина, Древнейшие типы жилищ Закавказья. Москва, 1946, էջ 22.

⁷ Р. Агабабян, Композиция купольных сооружений Грузии и Армении, Ереван, 1950, էջ 69.

⁸ Վ. Հարությունյան, Գլխի 5—7-րդ դարերի ճարտարապետական հուշարձաններ, Երևան, 1950, էջ 69.

⁹ С. Мнацаканян, Архитектура армянских притворов, Ереван, 1952, էջ 110.

(նկ. 8). Մտղմոսավանքի, Արգարանի, Գեղարդավանքի ժամատների և Նոր Գետիկի զանգակատան և մի շարք վանքերի սեղանատների, քարավանատների ծածկերը և այլն: Ըստ Բորամանյանի փայտաշեն են եղել Տեկորի տաճարի շորս սյուների վրա հենված դմբթի սկզբնական օրինակը, այնուհետև Հոփսիմեի, էջմիածնի կաթողիկոսի և մի շարք այլ եկեղեցիների սկզբնական գմբեթները¹⁰:

Փայտաշեն հազարաշենով են կառուցվել Վանի մի քանի եկեղեցիներ, այդ թվում ամենից հայտնին՝ Այգեստանի Հայկավան եկեղեցու գմբեթը (նկ. 9), որի մասին մեծ հիացմունքով է խոսել անգլիացի հայասեր Հինթ¹¹, Հազարաշեն ծածկ են ունեցել Դվինի պատրիարքարանը, Գրիգոր Մամիկոնյանի պալատի դահլիճը¹², էրզրումի քարավանատունը և ուրիշներ: Գեոևս անցյալ դարում ժողովրդական բազմաշքանի շատ տների որոշ բաժիններ ծածկում էին հազարաշենով:

Հազարաշենի ներքին տեսքը իր գեղեցկությամբ իրավունք է տալիս ենթադրելու, որ հայ թագավորների, իշխանների և այլ հարուստների պալատներում որոշ դահլիճներ, հարսանյաց տներ և ժողովասրահներ նույնպես ծածկված են եղել հազարաշենի կոնստրուկցիաներով: Ժողովրդական վարպետները, անշուշտ, դրանք կառուցել են ավելի շքեղազարդ ու ամուր ձևերով, քան, ասենք, հասարակ սարվածք տները:

Մեր ժամանակներում շատերը գմբեթի ճարտարապետական ձևերը կապում էին միայն կրոնական շինարարության հետ և այս առիթով աննպաստ հասարակական կարծիք էին ստեղծում դրանց նկատմամբ, որի պատճառով թերազնահատվում էր ու անտեսվում նրանց ժողովրդական դրական կողմերը: Քչերն են մտահոգվել ճարտարապետական այս կոնստրուկցիայի փորձից օգտվելու և վերամշակելու գործով: Պրոֆ. Ռ. Աղաբաբյանը 1950 թ. հրատարակած իր աշխատության մեջ լրջորեն առաջ է քաշում քաղաքաշինարարության մեջ գմբեթավոր շենքերի օգտագործման հարցը¹³: Ներկայումս, մեր կարծիքով, հազարաշեն ձևերի գմբեթները կարելի է օգտագործել նրա խնայողարբրության, առատ լույսի և ուղղակի ընկնող արևի ճառագայթների ներթափանցման համար ունեցած հնարավորություններից: Բացի այդ, ժամանակակից թեթև տեսակի շինանյութերից գործարաններում երկաթբետոնի հավաքովի ձևերով գործադրված, պլաստմասսաները, ապակին և այլումինը լայն հնարավորություններ են ընձևում հազարաշեն ձևը դարձնելու ավելի թեթևաշեն, վերաորակավորելու այն և կիրառելու մի շարք շենքերում: Կարելի է այդ ձևով ծածկել, օրինակ, առանձին կառուցված ցուցահանդեսներ, պարասրահներ, խաղասրահներ, առանձնացված կաֆե-ոեստորաններ, ճեմասրահներ, բուժական և հիվանդանոցային արևարածման դահլիճներ, սպորտ սրահներ, տաղավարներ, փակ շուկաներ, լարորատորիաներ, գործարանային որոշ արտադրամասեր, ժողովասրահներ և այլն: Ծարտարապետական այս հատվածը շատ տվյալներ ունի քաղաքաշինարարության մեջ հետաքրքիր ու գեղեցիկ անսամբլներ ստեղծելու տեսակետից: Վերածննդի դարաշրջանում

10 Ք. Բորամանյան, Հայկական ճարտարապետություն, հ. 1, Երևան, 1942, էջ 89:

11 X. Փ. Լինչ, Армения, путевые очерки и этюды, Тифлис, 1910, էջ 131:

12 Վ. Հարությունյան, 7-րդ դարի աշխարհիկ ճարտարապետության մի նոր հուշարձան, Հայկական ՍՍՀ ԳԱ «Տեղեկագիր», 1953, № 8:

13 նշված աշխատությունը, էջ 117:

բացի մոնումենտալ հուշարձաններից, բնակելի տների որոշ բաժանմունքներ՝ ֆոյեբներ ու ընդունարաններ, դահլիճներ ծածկվում էին գմբեթներով, որոնք առավել շափով հոյակապ ու շեշտակի էին դարձնում կառուցվածքը: Անշուշտ, հազարաշեն գմբեթի ձևերը ոչ թե պիտի ընդօրինակել մեխանիկորեն, այլ քննադատարար մշակել, այնպես, որ նրանք հարադատորեն ներդաշնակ կերպով առնչվեն, արտահայտվեն տվյալ շենքի ճարտարապետական ընդհանուր ձևերի ու բովանդակության հետ, որը միանգամայն հնարավոր է:

С. В. ВАРДАНЯН

АЗАРАШЕН И ЕГО ЗНАЧЕНИЕ В АРМЯНСКОЙ АРХИТЕКТУРЕ

Резюме

В данной статье рассматривается влияние и содействие архитектуры деревянных куполов народных жилых домов Армении на монументальные сооружения.

Постройка деревянных куполов жилых домов осуществлялась в основном двумя способами.

Первый, когда деревянные купола поднимались ступенчатыми, постепенно уменьшающимися квадратами, балки которых располагались параллельно стенам. Такие типы куполов нашли свое применение в районах, богатых древесиной и имеющих умеренный климат. Эти купола имеют в народе множество наименований, в том числе и «согомашен».

Во втором случае купола строились из коротких бревен, которые постепенно ступенями уменьшались и имели вид многоугольника. Исходя из характера конструкции, построенной из множества бревен или досок, этот вид купола называли «азарашенами».

«Азарашены» нашли свое применение в районах многоосадочных и бедных древесиной. Следует отметить, что эти купола более крутые и высокие, чем первые.

В статье подчеркивается, что основа этих куполов восходит к конструкции домов типа «огузов», образцы которого сохранились и до наших дней. Дома с такими куполами строились не только в Армении, но и в других странах Закавказья и Азии.

Подробно исследуя и анализируя «азарашены», автор приходит к выводу, что купола многих древних церквей отстаивались в виде деревянных азарашенов. Этот же вид конструкции сохранился и при строительстве каменных куполов церквей, их притворов, караван-сараяв, столовых и т. д.

В статье приводятся примеры дошедших до нас деревянных (айкван) и каменных (аракелоц) «азарашенов».

Распространенность этого вида построек в армянской архитектуре объясняется главным образом своей экономичностью и красотой.

Автор считает, что такие покрытия возможны, а в некоторых случаях даже целесообразны и в современной архитектуре, с применением новых строительных материалов.